



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 81

Vår dato
25.06.2013
Dykkar dato

Vår referanse
2013/7184 433.2
Dykkar referanse

Terje Larssen
Sekse
5773 Ullensvang

Løyve til utsetting av fjelledelgran til juletreproduksjon

Terje Larssen får løyve på bestemte vilkår til å sette ut 1000 fjelledelgran på gnr. 84 bnr. 10 og gnr. 83 bnr. 1 i Ullensvang herad.

Vi syner til søknad datert 23. mai 2013 om utsetting av fjelledelgran til juletreproduksjon på gnr. 84. bnr. 10 og gnr. 83 bnr. 1 i Ullensvang herad. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er søkt om å plante ut 1000 fjelledelgran (*Abies lasiocarpa*) i 2013. Fjelledelgran er risikovurdert til lav risiko (LO) og er ikkje eit svartelista treslag¹.

Utsettingsområdet

Utsettingsområdet ligg på Sekse i Ullensvang herad, i eit kulturlandskap med mykje fruktproduksjon. Juletrefeltet er merkte A-D i kartvedlegget. Felt A, B og D ligg på gnr. 84 bnr. 10, medan felt C ligg på gnr. 83 bnr. 1. Søkjar skriv at feltet B, C og D er bratte og lite eigna til tradisjonell landbruksdrift, medan delar av felt A ikkje har vore nytta til landbruksdrift på fleire år og difor gror att. Målet med juletreproduksjonen er å utnytte areal på eigedomane som ikkje er eigna til fruktdyrking. Ullensvang herad har gitt løyve til omdisponering frå innmarksbeite og landbruksdrift til skogproduksjon på alle dei fire feltet.

Det er i Naturbase² og Artskart³ ikkje registrert naturmangfald som krev særskilt omsyn i sakshandsaminga. Dette inkluderer raudlista artar, registrerte viktige eller raudlista naturtypar, verneområde, MiS-figurar, prioriterte artar og utvalde naturtypar. Det er to registreringar av

¹ Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

² <http://innsyn.naturbase.no> (11.6.2013)

³ <http://www.artsdatabanken.no> (11.6.2013)

den nær trua kløvervepsebien på gnr. 83 bnr. 1, men desse er frå 1949 og har dårlig koordinatpresisjon (betre enn 1000 m), så vi ser bort frå denne observasjonen.

Vurdering

Utsettingsområdet ligg i eit kulturlandskap som er i drift, og det har tidlegare vore ulik landbruksdrift på areala. Det er ikkje registrert naturmangfald med innverknad på sakshandsaminga i eller i nærleiken av nokre av felta. Fjelledelgran er ikkje eit svartelista treslag, og trea skal hoggast før dei set frø, noko som minimerer spreingsfaren til kringliggande område.

Vår vurdering er at saka er godt nok opplyst til å fatte eit vedtak jf. kravet til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre i dei omsøkte felta vil medføre vesentlege uheldige følgjer for naturmangfaldet.

Produksjon skal skje i eit område med aktiv landbruksdrift og felta er eller har vore beitemark og frukthagar. Etter vår vurdering vil juletreproduksjon i områda som er avteikna i kartvedlegget i liten grad auke belastning på naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Terje Larssen får løyve til å sette ut 1000 fjelledelgran i 2013 på gnr. 83 bnr. 1 og gnr. 84 bnr. 10 i Ullensvang herad på følgjande vilkår:

- Løyvet gjeld for dei omsøkte felta i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf. forvaltningslova § 32.

NB! Vi minner om at det er mogleg å søke fleirårige løyve for utsetting av utanlandske treslag til juletreproduksjon. Du skriv at søknad òg gjeld planting frå frukthage på gnr. 84 bnr. 10 opp

til hjortegjerdet, og at det skal skje over fleire år. For å kunne gje eit fleirårig løyve treng vi ein plan for årleg utplanting over fleire år og har difor ikkje vurdert dette i denne saka.

Med helsing

Stein Byrkjeland e.f.
seksjonsleiar

Jørgen Aarø
rådgjevar

Brevet er godkjent elektronisk og har derfor inga underskrift.